



ГУЛШАН

(АЛДАНГАН АЁЛНИНГ АЛАМИ)

6.

Мавлон Жавлонович ижрокўмдаги мажлисдан хуш кайфият билан кайтди. Кабулхонада хеч ким йўклигини билгач, тўгри Гулшаннинг олдига келди. Унинг ноз ва энтикиш билан ўрнидан турганини кўриб, сўрашмоқ учун узатган кўлини ўз кафтига кўйганича бўш кўли билан устидан авайлабгина силади.

– Зерикмай ўтирибсизми, Гулшан? – сўради котибанинг кўлини кўйиб юбормай. – Мени хеч ким сўрамадими?

– Вой, бир ошнангиз кўнгирок килувди. Хозир... Исмини манави ерга ёзиб кўювдим...

– Майли-майли, кейин топарсиз, – деди бошлик бепарвогина. – Хозир ходимларни тўпланг, катталарнинг гапини уларга етказиб кўяйлик. Иннайкейин, мажлисдан сўнг олдимга кирсангиз, мухим гапим бор.

– Хўп бўлади, Мавлон ака, – деди Гулшан яшнаб, кўлини охиста тортиб оларкан.

У ходимларни бирма-бир мажлисга хабарларкан, мясида шубха ва кизикиш гимирлаб кўярди. Канака мухим гап айтаркин Мавлон акаси? Ўшанда ярашиб олишганидан кейин бошлик ва котибанинг ораларидан кил ўтмайдиган, бир соат кўришмаса чидолмайдиган бўлиб қолишди. Энди у тўппа-тўгри "Мавлон ака" деб мурожаат килса, бошлиги ҳам "жоним Гулшанхон" деб лабидан бол томади. Аввалига котибанинг қари кизларникидай жиртакилигидан, бармоги тегиб кетса сапчиб тушишидан юрак олдириб кўйган Мавлон акаси энди пана-панага тортиб белидан кучишдан, гохида "бехосдан" оппок бўйни, гажак ёпишган ёнокларига лаб теккизишдан тортинмай кўйди. Март байрамида совга қилинган узук Гулшаннинг ихтиёри ва тилига тақилгандай бўлди. Шунинг учун ҳам у хозир мажлис тугагани бетокат кутар экан, охириги ходим чиқиб кетиши билан хаялламай ичкарига кирди. Эшикни маҳкам зичлади.

Мавлон анча вақтгача унинг хол-ахволини сўраб ўтирди. Гулшан бир-икки марта соатга қараб кўйганидан кейин мақсадга кўчди:

– Гулшан, бугун кичкина ўтиришимиз бор эди. Шунга сизни ҳам таклиф қилмоқчийдим.

– Канака бўларкин, – бир оз ўйланиб тургач деди Гулшан. – Уйдагилар кечкурун кўпам рўйхушлик беришмайди. Иннайкейин, ўтириш нима муносабати билан ўзи?

– Нокулай бўлса ҳам ... Тугилган куним эди... Унча кўп одам бўлмайди.

– Э, чин кўнгилдан табриклайман, Мавлон ака!

– Рахмат. Шунга катнашсангиз хурсанд бўлардим. Бир-икки якин одамларни айтганман. Хохласангиз, хўжайинни ҳам бошлаб олинг.

– У киши командировкага кетганлар.

– Унда яна яхши! Ха, айтгандай ўтириш уйда эмас, бошка жойда бўлади. Яқинда янги меҳмон кўрганмиз, хотин хали уриникларга ярамайди.

– Кўшалок тантана денг... Ие, мен у ерни билмайман-ку?

– Янги шаҳарда. Хозир адресини ёзиб бераман.

Гулшан адрес ёзаётган Мавлоннинг кўллари титраётганини кўриб хайрон бўлди. Аммо бир сўз демади. У берган коғозга тикилганича хонадан чиқди.

У дўкон айланиб, бошлигига совга кидирди. Сўнг кизини богчадан олиб, кайнонасига топширди. Келинининг каёккадир отланаётганини кўрган Хидоят хола арчаётган картошқасини сувли жомга ташлаб, саволомуз каради. Буни сезган Гулшан аввалроқ маънили бахона топиб кўймаганидан биров шошиб колди:

– Халиги... бир дугонамникида маърака бор эди. Ишхонамиздаги хаммани айтганди. Ман ҳам борсам девдим.

– Нимага шиппиллаб колдингиз десам, бу дардингиз бор экан-да. Айтмайсизми, эрим йўк эди, ижозат олмаганман деб! – Келинга шубҳа аралаш синчковлик билан тикилаётган Хидоят хола ноилож, таҳдид билан тайинлади: – Жа иложи бўлмаса боринг-у, кўп ўтирманг, хаяллаб колманг, бўптими?

У уйга кириб тошойна олдида анча туриб колди. У ерда канака одамлар бўларкин? Агар хаммаси Мавлонга ўхшаш катта охурдан ем ейдиганлар тўпланса, бормагани яхши. Кийгани мундок тузукрок кўйлаги хам йўк. Бари аллакаёкдаги урфдан колган матолардан. Бир-икки марта йигиб юрган пулига кўйлак олиб кийволай дедию, бошларида уй куриш тургани учун кайнонадан хайикди. Хали улгурарман, деб ўзига тасалли берди. Агар ишхонасидаги Ризвонга ўхшаб атир гулли "нилуфар"дан кўйлак тиктирса борми, хамманинг кўзини ўйнатворарди. Ўзини ўша кўйлакда тасаввур килиб бахри-дили очилди, жилмайиб кўйди. Кейин нигохини кўзгуга кўчирди. Ундан хинд кизлариникидай корамагиз чехра ним табассум билан караб турарди. Пешонани тўлдирган кўнгирок сочлар, ингичка пайваста кошлар, шўх чакнаган кўзлар, чимдиб олгандай бурун, жажжигина огиз... унинг юз-кўзидан тирнокча хам нуқс топиб бўлмасди, хаммаси ярашикли, мутаносиб. "Хали, чакки эмассан, Гулшан" деб ўзича кувониб кўйди. Факат ёногидаги хомиладорлигидан ортттирган билинар-билинемас доғлар кўнглини сал хижил килди. Ёгуна олиб ўша доғларни яширишга уннаб кетди.

Гулшан иккинчи каватдаги чарм копланган эшик кўнгирогини чалганида окшом туша бошлаган эди. Ичкаридан паст куй товуши эшитилиб турарди. Алланарса тараклаб кетди. Эшикни Мавлон очди. Гулшанни кўриб севингани шундок кўзларидан билинарди. Уни келмайди, деб ўйлаган ёки уйни топишига ишонмаган бўлса керак.

У йўлакка туфлисини ечиб, Мавлон узатган шиппакни оёкка илганича ичкарига кирди. Безатилган дастурхон атрофида бак-бакалок, пўрим кийинган бир йигит билан унинг гирт акси – эчкидай орик, юзи хам чўзинчок, аммо ўзи хушрўйгина жувон ўтирарди. Гулшан саломлашди. Улар бараварига туриб, Гулшан билан кўл бериб кўришишди. Кейин рўпараларидаги курсига таклиф килишди. У хижолат чекиб, ийманибгина ўтираркан, негадир каршисидаги аёлнинг бўйнидаги марваридга нигохи тушди. Озгин бўйнига шундок йирик марварид ярашмабди, деб дилидан ўтказди. Шунда у хамон кўлидаги совгани топширмаганини эслади. Уни Мавлонга узатаркан, секингина "тугилган кунингиз муборак бўлсин", деди. Мавлон эшитмагандай, совгани хафсаласизлик билан ёнидаги юмшоқ ўриндикка ташлади-да, уларни таништиришга ўтди:

– Бу гўзал боя сизларга айтганим – Гулшанхон. Бир идорада ишлаймиз, бизнинг котибамиз.

Бакалок йигит хам, хотини хам бараварига: “жуда яхши, жуда яхши, мана, танишиб олдик”, дейишди. Мавлон яна давом етди:

– Манави полвоннинг исми Махмуд, лакаби Тарвуз.

– Хўв бола, лакабга ўтиш бўлса энди мендан кўрасан,– дея ёлгондакам пўписа килди Бакалок.

– Хазил, хазил, – деди кула-кула Мавлон яна Гулшанга караб таништиришга тушди. – Ёнларидаги паризод эса Тарвузни одам килиб юрган маликалари Нодирахон. Мени танисанглар керак. Уй-жой идорасини юргизиб турган акаларинг Мавлонбек бўламан. Хўп, мана, танишиб олдик. Энди ёппасига дастурхонга хужум.

Дастурхон жуда тўкин, писта-бодомдан тортиб бодринг, кулупнайгача, парракланган казидан тортиб, "Куш сути" тортигача бор эди. Гулшан ранг-баранг неъматлардан кўз узолмай колди. Гох рўпарасида ўтирган, бурундаги холдай бир-бирига номуносиб эр-хотинга пинхона назар солади. Бакалок ширакайф шекилли, ўнг кўлини уялмай-нетмай аёлнинг елкасига ташлаб олган. У бўлса, эрининг шилкимлигига гаши келиб, мўйчинак азобини роса тортган кошларини чимирганича лаб-лунжини осилтириб ўтирарди.

Гулшан энди хона жихозларига эътибор берди. Бу ерни ўзининг уйи билан солиштириб, томогидан овкат ўтмай колди. Ана яшашу мана яшаш! Бир томон бошдан-оёк хорижий ялтирок жавонлар. Ойнаванд кисмига биллур кадахлар, гулдонлар терилган. Бир токчасида пахта гулли чойнак-пиёлалар, "кийик", "анор" чой сервислари. Тепарокдаги токчада бир хил зархал муковали бир неча жилд китоб.

Жавон тепасида тумшуги ингичка ялтирок обдасталар. Япон магнитофонидан арабча куй янграб турибди. Хатто дераза пардаси хам "ялт-ялт" матодан мослаб танланган эди.

Мавлоннинг узатган кадахи унинг юрагига хавас ўти солган ёкимли машгулотини бўлиб юборди. У "ичмайман" дегандай, кулиб бош чайкади.

– Ие, бунакаси кетмайди, Гулшаной, – Бакалок ёгли лабини оппок сочикка артаркан уни кисталангга олди. – Дўстининг тугилган кунида ичмаслик, унга яхши тилак билдирмаслик

– гунохи азим-ку! Олинг, йигитнинг сазаси ўлгунча шайтоннинг бўйни узилсин!

– Мен... ҳеч ичмаганман. Агар шунчалик бўлса, озгина шампан куяколинг.

Мавлон чакконлик билан чўзинчок қадахга шампан куйиб берди. Гулшан тилак билдириб бир хўплаб кўйди. Буни Бакалок кузатиб ўтирган экан, яна пингиллаб норозилик билдирди:

– Йўк, тўст айтган одам охиригача олади. Нима, ўз гапингизга ўзингиз каршимисиз?

Гулшан ноилож қадахни минг азобда охиригача симирди. Сўнг бир оз ракс тушишди. Аммо давра кизимас, ичкилик ва куй ҳам ўтиришга файз киритолмасди. Гулшан худди бошка кўрага кириб колган кўйдаи кисиниб-кимтиниб, ётсираб ўтирарди. Рўпарасидаги аёлнинг ялт-юлт товланаётган кўйлагийо турфа такинчокларига хар гал кўзи тушганида ўзининг ночор ахволдан уяларди.

Ярим соатлардан кейин Бакалок жуфти билан кўзголиб колди. У туриш олдидан маънодор жилмайганича насихат килди:

– Гулшанхон, ошнамни хафа килиб кўйманг-а! Одам дунёга бир марта келади, ўйнаб колиш керак. Энди бизга узр. Маъракамиз бор эди. Мавлонбек огриниб колмасин деб, аввал бу ерга ташриф буюргандик. Хўп, яхши колинглар.

Гулшан Бакалокнинг гапларига унча тушунмади. Шунинг учун беихтиёр бошини кимирлатиб, улар билан нохушгина хайрлашди. Мавлон махмонларни кузатгани чикиб кетгач, хавотирланиб соатга караб кўйди. У ҳам жўнаши керак. Яна кайнонаси гўрига гишт калаб ўтирган бўлмасин!

Мавлон кўлларини бир-бирига ишкаганича тиржайиб кириб келди:

– Мен хам тураими, девдим. Мавлон ака! Кайнонамнинг юраклари торрок.

– Э, кизиксиз-а! Хўжайин Тошкентда бўлса, нимадан хавотирланасиз? Бироз ўтирайлик. Кейин ўзим ташлаб келаман.

Мавлон шундай дедию бошка гапга ўрин колмагандай яна кадахларни тўлдирди. Боягидан сал боши айланиб, вужуди кизий бошлаган Гулшан энди ичмаслик учун Мавлонни чалгитмокчи бўлди.

– Махмонлар нега тез туриб кетишди?

– Махмудми? Э, янаям кўп ўтириб колди. Бирров табриклаб кетмокчи эди, бошлигиникида вечер бор экан.

– Хотини унинг гирт акси экан.

Мавлон кулди. Гулшаннинг таажжуб билан караб турганидан ўнгайсизланиб изох берди:

– Хотини ўзига ўхшаш тўлагина. Нодира унинг иккинчи хотини.

Гулшан бакалокнинг ҳеч нарсадан тап тортмай, хаёсизларча ўтирганининг сабабини энди англади. Бояги жувонга раҳми келди. Мен бўлганимда танобини тортиб кўярдим, дея хаёлидан ўтказди. Рост-да, шилкимлигини ҳеч ким йўглигида килмайдими?

Мавлон яна кадахни кўлига тутказиб, ичишга кистай бошлади. Охири Гулшан безор бўлди. Шунини ичсам кутуламанми, дегандай шартта кадахни кўтарди. Онда-сонда шунака

куюшкондан бир чикса, осмон узилиб тушармиди!

Бу кадах тўғри миясига урилгандай бўлди. Фикрларини айкаш-уйкаш килиб юборди. Шунинг учун берган саволининг нақадар бемаънилигидан ўзи ҳам хижолат тортиб кетди:

– Бошка ҳеч ким бу ерга келмайдими?

– Бир-бирини тушунган икки ошик-маъшук ўртасига Коработир сукулиб нима килади? – Мавлон кувлик билан кўзини кисиб гапирди.

– Хой, одам, бошликман деб талтайманг! Ахир, эрим бор-а, – Гулшан пўписа килди.

– Менинг ҳам хотиним бор, индамай ўтирибман-ку!

– Э, эркакларнинг йўриги бошка-да!

– Тўғри айтасиз! Иннайкейин эрингиздан ажратиб тортиб олиш ниятим ҳам йўқ. Факат гам-ташвишларни бироз унутиб, роҳат килайлик! Мендаям, сиздаям оила бор. Иш деймиз, бола-чака деймиз, хаш-паш дегунча ёшлик ҳам ўтиб кетади. Карабсанки, кариганда эслайдиган тузукрок хотира ҳам бўлмайди. Иннайкейин, анчадан бери сизни яхши кўриб колганман, айтолмай юрибман.

– Хамма эркакларнинг одатдаги дийдиёси. Хотинингиз-чи? – Гулшан атайин ўсмокчилаб сўради.

– Хотиннинг йўриги бошка! Бир хил овқат меъдага тегади, жон. Иннайкейин, биз бегоналар эмасмиз-ку!

У ёгини Гулшан унча эслолмади. Ичкиликдан боши айланиб, тўгри гапга ҳам ках-ках уриб кулаверганини, Мавлон акаси харсиллаб ўпмокчи бўлганида унинг ёгли лабларидан ўзини хар канча опкочмасин, танаси мясига бўйсунмай колганини элас-элас эслайди. Кўзини очса ётокхонада, оппок тўшак устида ялангоч ётибди. Бирдан кўнгли хижил тортди, юраги сикилди. Нималар килиб кўйдим, деб ўзини каргади. Кейин тирсагига тиралиб, атрофига кўз югуртирди.

Бу хона наригисидай серхашам бўлмаса-да, дид билан жихозланган. Шундоккина ўрин тепасига михланган гиламнинг гуллари тунгичирокнинг хира ёгдусида ҳам кўзни камаштиргудай бўлиб товланиб турарди. Бирпасда кўнглидаги гашлик нари кетди. Ўзини мана шу кўркам уйнинг бекаси сифатида тасаввур килиб кўрди. Кўксидан ширин хўрсиник отилиб чиқди. Бегона эркакнинг эркалашлари, тўшакдаги киликлари гайритабий туюлди. Мавлон билан эрини хаёлан солиштириб кўрди. Унинг хар жихатдан ютказишини ўйлаб, эр танлашга шошилганидан ўкинди.

Ширин ва ёкимли дамлар гоят киска бўлади. Хозир ҳам шундай кечди. Бояги мамнунлик ва эркаланишга мойил турган вужудини яна кўркув ва хадик эгаллади. Ўзини сўрокка тутди. Шунака ҳам енгилтаклик киладими? Мабодо эри сезиб колса, нима бўлади? Тамом, бу ахмоклик биринчи ва охиргиси. Тилида шундай деди-ю, дилидан "агар уйим шунака бўлганида, ўзимни энг бахтли аёл санардим" деган сўзлар кечаётганини ўзидан пинхон тутолмасди.

(Давоми бор...)

Ахмад МУХАММАД ТУРСУН